
1★ مرکز مانہہ نویں سرکا ر کل بون آلی حلف برداری غی تقریب غی تیاریں زوراں ور چل رہی ہیں۔ گوانڈی ملکاں تے بحر بند خطہ غا کئی لیڈر وزیر اعظم مو دی غی حلف برداری غی تقریب مانہہ شرکت کریں گا۔

2★ جموں کشمیر سرکا ر نے دبشت گرداں سنگ تعلق رکھن غی پا داش مانہہ 4 ملازمین نانہہ ملازمت تیں برخاست کر دتو ہے۔

3★ چناؤ کمیشن نے سرکا ری طور ور جموں کشمیر مانہہ اسمبلی چناؤ واسطے عمل شروع کر دتو ہے۔

4★ تے ضلع ترقیا تی کمشنر پونچھ نے عید الضحیٰ غا انتظامات غو جائزو لیو ہے۔

PM Swearing in

نویں مرکزی سرکا ر غی حلف برداری غی تقریب با رے تیاریں زوراں ور ہیں۔ صدر جمہو ریہ دروپدی مرمو نے نامزد وزیر اعظم جناب نریندرمودی نانہہ نویں حکومت بنان با رے مدعو کیو ہے۔ اس بارے حلف برداری غی تقریب پلک شام سوا 7 بجے راشٹر پتی بھون مانہہ منعقد وے گی۔ جناب مو دی تے اُن غی مرکزی کا بینہ کو نسل غا وزراء ممبران نانہہ صدر جمہو ریہ عہداں تیرازداری غو حلف دواہیں گی۔ واضح رہے جناب نریندرمو دی نے کل صدر جمہو ریہ سنگ ملاقات کر غے نویں حکومت سازی غو دعوؤ پیش کیو تھو۔ اس تیں پہلاں بھارتیہ جنتا پا رٹی غا صدر جے پی نڈہ غی سرپرستی مانہہ قومی جمہو ری اتحاد یعنی این ڈی اے غا اک وفد نے صدر جمہو ریہ سنگ ملاقات کر غے اُنہاں نانہہ اک چٹھی دتی تھی۔ جس مانہہ کہیو گیو ہے جے جناب نریندرمو دی نانہہ بی جے پی پا رلیمانی پا رٹی غو لیڈر منتخب کیو گیو ہے۔ تے اس موقع ور این ڈی اے اتحادی جماعتاں غی طرفوں حمایتی خط وی صدر جمہو ریہ غے حوالے کیو گیو۔ راشٹر پتی بھون غے باہر با ت چیت کرتاں واں جناب مو دی نے کہیو جے این ڈی اے اک مضبوط پائیدار تے ترقی پسند حکومت سازی غو اک بور تے ترقی پسند حکومت بناوے گی۔ اُنہاں نے مزید کہیو جے لوکاں نے این ڈی اے اتحاد نانہہ حکومت سازی غو اک بور موقعو مہیا کروایو ہے تے 18 ویں لوک سبھا نویں تے نوجوان طاقت غو ایوان ہے۔

Oath Ceremony Leaders

مہارا نامہ نگا رنے دسیو ہے جے گمانڈی ملکاں تیں کئی سارا لیڈراں نانہہ جناب نریندرمو دی غی حلف برداری تقریب مانہہ شرکت با رے دعوت دتی گئی ہے۔ جناب مو دی لگاتار تیجی با ر وزیر اعظم غا عہدہ ور فائض بون آلا ہیں۔ بھارت غا پڑوسی تے بحر بند خطہ تیں لیڈر اس تقریب مانہہ بطور مہمان ممتاز شرکت کریںگا۔ اس تقریب حلف برداری مانہہ شرکت با رے لیڈر نویں دہلی پُجنو شروع ہو گیا ہیں۔ خارجہ وزارت غو کہنو ہے جے سری لنکا غا صدر رانیل ویکرم سنگھے، مالدیو غا صدر ڈاکٹر محمو مو ٹسو، سچلز غا نائب صدر احمد عفیف، بنگلہ

دیش غی وزیر اعظم شیخ حسینہ، ما ریشیش غا وزیر اعظم پر واند کمار جگنوٹھ، نیپال غا وزیر اعظم پشپ کمل دھل پرچندہ تے بوٹان غا وزیر اعظم شرننگ ٹوبگے وی اس تقریب مانہہ شرکت کرینگا۔ وزیر اعظم نریندر مو دی جھپڑا کہ لگاتار تیجی با ر وزیر اعظم بنن جا ربیا بین غی تقریب حلف برداری مانہہ شمولیت واسطے لیڈر آربیا بین کیونجے بھارت نے ہمیشہ پڑوسی پہلاں پالیسی نانہہ وسیع ترجیحات مانہہ رکھیو تے بر وقت ساگر نظریا تی خطہ مانہہ سب غی ترقی و حفاظت نانہہ سامنے رکھیو ہے۔ اس تقریب غے دوران امن تے حفاظت نانہہ یقینی بنان با رے دہلی پولیس غی طرفوں سخت کڑہ انتظامات کیا گیا ہیں۔ پولیس غی طرفوں حلف برداری غی تقریب غے دوران پیرا گلائڈرز، پیرا موٹرز، بینگ گلائڈرز، بغیر پا ئیلٹ غے ہوائی گڈیں تے گرم ہوا آلا غبارہ سمیت دہلی مانہہ کسے وی ذیلی روایتی فضائی پلیٹ فارم غا اڑن ور پابندی لائی گئی ہے۔

CWC Meet

تو وسیع شدہ کا نگرہس ورکینگ کمیٹی نے لوک سبھا مانہہ رابل گا ندھی نانہہ حزب اختلاف غا لیڈر غا طو ر ور رول نبھان غی گزارش پر مشتمل قرارداد نانہہ منظوری دے دتی ہے۔ کا نگرہس ورکینگ کمیٹی میٹنگ تیں بعد میڈیا سنگ گل بات کرتاں واں سنئیر کا نگرہس لیڈر ونو گو پال نے کہیو جے کا نگرہس ورکینگ کمیٹی نانہہ یقین ہے جے رابل گا ندھی غی قیا دت مانہہ اک مضبوط اور متحرک حزب اختلاف وجود مانہہ آئے گی۔ اس تیں پہلاں ورکینگ کا نگرہس میٹنگ غی شروعات مانہہ کا نگرہس صدر ملک ارجن کھڑگے نے کا نگرہس غا نواں کامیاب ہوا ممبران نانہہ کامیابی غی مبادیاب پیش کی۔ کانگرہس غا سنئیر لیڈر رابل گا ندھی اور پارٹی غی جنرل سیکریٹری پرینکا گا ندھی اور دوجا کا نگرہس لیڈر وی میٹنگ مانہہ موجود تھا۔

J&K Termination

جموں کشمیر انتظامیہ غی طرفوں 4 سرکاری ملازمین نانہہ نوکری تیں برخاست کر دتو ہے۔ جھپڑا کہ ملک دشمن کا روایاں مانہہ ملوث تھا۔ تے انہاں ور دہشت گردانہ تنظیمیں سنگ رابطان غو الزام وی ہے۔ اخباری نمائنداں نے سرکاری راز داراں غا حوالہ سنگ دسیو ہے جے برخاست کیا گیا ملازمین مانہہ 2 پولیس کا نسٹیل، اک ٹیچر تے اک جل شکتی محکمہ گو ملازم ہے۔ جنہاں ور مبینہ طور ور دہشت گردی مانہہ ملوث ہون غو الزام تھو۔ عہدیداراں غو کہنو ہے جے قانون عملان آلی ایجنسیاں غی طرفوں تحقیقات تے پوچھ تا چھ تیں بعد ان ور یاہ کا روایاں اپنا ئی گئی ہے۔ کیونجے تحقیقات مانہہ یہ افراد دہشت گردانہ کا روایاں غا حمائی معلوم ہوا ہیں۔ تے وے مبینہ طور ور سرحد پار غی ایجنسیاں سنگ رابطہ مانہہ تھا۔ واضع رہ جے دفعہ 370 غی منسوخی تیں بعد یوٹی انتظامیہ غی طرفوں مبینہ طور دہشت گرد تنظیمیں سنگ ملوث ہون غا الزام مانہہ 50 سرکاری ملازمین نانہہ نوکری تیں برطرف کیو گیو ہے۔ پچھلے سال وی دہشت گردانہ کا روایاں مانہہ ملوث ہون غا الزام مانہہ جموں کشمیر حکومت نے 4 سرکاری ملازمین نانہہ نوکری تیں برخاست کیو تھو۔ نوکری تیں برطرف ہوا ملازمین مانہہ عبدالرحمن ڈار سکنا لارنو ترال و غلام رسول

بھٹ سکھ لگام ترال ضلع پلوامہ جھپڑا کہ دوئے جموں کشمیر پولیس مانہہ کا نسطیل تھا۔ تے یہ مبینہ طور غیر قانونی اصلح و با رود نانہہ دہشت گرداں تک پہنچان با رے اک جگہ توں دوجی جگہ لیجان بارے قصوروار پایا گیا۔ نوکری تیں برخاست ہون آلو اک بو ر ملازم شبیر احمد وانی سکھ بنگم دمہال خانجی پو رہ ضلع کلگام گو بے جھپڑو کہ محکمہ تعلیم مانہہ اُستاد تھو۔ تے وی ممنوعہ علیحدگی پسند تنظیم جماعت اسلامی گو سرگرم رکن تھو۔ اُس گا مبینہ طور ر ور دہشت گرد تنظیمیں سنگ پختہ رابطہ تھا تے اُس گا حمایت مانہہ لوکاں نانہہ لیان با رے نیٹ ورک قائم کرن مانہہ اہم رول ادا کیو۔ نوکری تیں برطرف ہون آلو اک بو ر سرکاری ملازم عنایت اللہ شاہ پیرزادہ سکھ واترگام رافیہ باد ضلع بارہمولہ گو رہن آلو بے۔ جھپڑو کہ محکمہ جل شکتی مانہہ اسسٹنٹ لائین مین تھو۔ یوہ مبینہ طور ر ور البدر مجاہدین گو سرگرم کارکن تھو تے اُس نے دہشت گردانہ ایجنڈا غی حمایت مانہہ بہت سارا کم سر انجام دتا۔

Terror Baramulla

شمالی کشمیر گا با رہمولہ علاقہ مانہہ پولیس نے 2 دہشت گرداں گا سر غناہاں غی جا ئیداداں نانہہ آج ضبط کیو بے۔ پولیس گو کہنو بے جے جلیل احمد راتھر تے محمد اشرف میر جھپڑا کہ تلگام با رہمولہ گا بسنیک بین انہاں غی جا ئیداد نانہہ اضافی سیشنز عدالت بارہمولہ تیں حکم نامو حاصل کرن تیں بعد منسلک کر ليو گیو بے۔

ITMS Jammu

جموں شہر گا تمام 44 چوراباں ور 10 جون یعنی سوموار تیں انٹیلی جنٹ ٹریفک منیجمنٹ نظام مکمل طور ور کم کرنو شروع کر دے گو۔ ٹریفک محکمہ غے مطابق اس نظام گا فعال ہون سنگ اپنے آپ نمبر پلیٹاں غی پشان، لال بتی غی خلاف ورزی غی نشادہی، کریش بیلمنٹ تیں بغیر، 3 سواریاں غی نشاندہی، سیٹ بیلٹ تیں بغیر، گڈی چلاتاں ویلے مو با ٹل استعمال اور غلط پارلینگ غی نشاندہی وغیرہ کرن مانہہ مدد ملے گی۔ آئی ٹی ایم ایس نظام غی مکمل فعالیت سنگ تمام گڈی ہفتہ گا 24 گھنٹہ سی سی ٹی وی غی نگرانی مانہہ آجائیں گی۔ اور برقی چلان وی مضبوط ثبوتوں غے نال اعلیٰ معیار کا کیمران غی مدد نال آسانی سنگ وین گا۔ لوکاں نانہہ خبردار دہن اور تمام ٹریفک قواعد ور عمل کرن گو مشورو دتو گیو بے۔

یہ خبر تم آکا شوانی جموں تیں سن رہیا ہیں خبراں گا باقی حصہ نال طارق ابرار۔

EC JK Polls

جموں کشمیر مانہہ ستمبر تیں پہلاں اسمبلی چناؤ گا اپنا عزم غے پیش نظر چناؤ کمیشن نے جموں کشمیر مانہہ قانون ساز اسمبلی گا عام چناؤ غی خاطر فوری طور ور سیا سی جماعتاں غی طرفوں چناؤ نشاناں نانہہ الاٹ کرن غی درخواستاں نانہہ قبول کرن گو فیصلو لیو بے۔ واضح رہے جے عدالت عظمیٰ نے گذشتہ دسمبر مانہہ چناؤ پینل نانہہ 30 ستمبر تیں پہلاں جموں کشمیر مانہہ اسمبلی چناؤ کران غی ہدایات جاری کی تھیں۔ چناؤ کمیشن غی

طرفوں جا ری پریس بیان غے مطابق پہلاں تیں شناخت رکھن آلی قومی تے ریا ستی سیاسی جماعتاں غا چناوی نشان اُسے طرح ریزرو رپیں گا۔ جد کہ اندراج شدہ غیر شناختی سیاسی جماعت اپنو چناوی نشان الاٹ کران واسطے درخواست دائر کر سکیں تا نجے وے چناؤ مانہ اپنا اُمید وار اُتا ر سکیں۔ حالیہ لوک سبھا چناؤ مانہ رائے دہندگان مانہ زبردست جو ش و جذبہ غے پیش نظر اعلیٰ چناؤ کمشنر راجیو کمار نے کہیو تھو جے تاواں ہی جموں کشمیر مانہ اسمبلی چناؤ واسطے عمل شروع کیو جا ئے گو۔

Eid JK

عید الضحیٰ جھیری بکرا عید غا ناں سنگ وی جانی جا ئے جموں کشمیر مانہ اس مہینہ غی 17 تاریخ نانہ منائی جا ئیگی۔ مفتی اعظم جموں کشمیر مفتی ناصرالسلام فاروقی غا حوالہ سنگ ملی خبراں مطابق غے مطابق اسلامی کلینڈر غا آخری مہینہ غو چن گذشتہ شام نانہ نظر آگیو تھو۔ جس نانہ مد نظر رکھتاں واں عید الضحیٰ 1 جون نانہ منائی جا ئے گی۔

Eid Poonch

عید الضحیٰ غی تیاریاں غے پیش نظر ڈپٹی کمشنر پو نچھ یسین چودھری نے دوجا ضلع افسراں غے نال پو نچھ ما رکیٹ غو تفصیلی دورو کیو اور اُت جا ری تعمیراتی کماں غو جائزو لیو۔ پونچھ تیں آکاشوانی غا نمائندہ انوبھاؤ مصری غی رپورٹ غے مطابق ڈی سی پو نچھ نے بازار غا دورہ غے دوران صفائی ستھرائی، پانی غی سپلائی، بجلی اور ٹریفک انتظامات غو جائزو لیو۔ تانجے صارفین اور دکانداراں واسطے محفوظ ماحول یقینی بن سکے۔ آکاشوانی سنگ دورہ غی تفصیل سانجھی کرتاں واں ڈی سی پو نچھ یسین چودھری نے اس طرح کہیو۔۔۔ بائٹ۔۔

Kathua NH

لکھن پور تیں جموں آلے پا سے قومی شاہراہ ور سڑک حادثاں مانہ کمی لیان اور خوش اسلوبی سنگ ٹریفک یقینی بنان واسطے نیشنل ہائی وے اتھارٹی آف انڈیا نے سڑک غی توسیع، فلائی اورز ور تعمیر اور پُلان غے بیٹھ تعمیراتی کم شروع کر دتو ہے۔ قومی شاہراہ غا کُجھ حصاں ور سڑک خستہ حالی غی شکار تھی جس غی وجہ نال حادثہ ویں تھہ۔ نیشنل ہائیوے اتھارٹی آف انڈیا نے شاہراہ غی کُجھ خراب جگہاں غی نشاندہی کرے لکھن پور تیں برنوٹی سڑک غی تو وسیع بٹلی موڑ غا مقام ور فلائی اور تے پُلیاں غی تعمیر غو کم شروع کیو ہے۔ ڈی سی کٹھوے راکیش منہاس تے اک مقامی شہری نے کٹھوے تیں آکاشوانی غا نمائندہ پر دیپ شرما سنگ گل کرتاں واں اس طرح کہیو۔۔۔ بائٹ۔۔
